



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Constanciae Imperatrici gloriosae Reginae Siciliae, ac carissimo filio  
Friderico illustri Regi Siciliae, eorúmque heredibus in perpetuum.

**urn:nbn:de:hbz:466:1-20006**

NOBILI VIRO

*R. de Agout.*

Epist. 408.  
Vt Comitem  
Forcalcarien-  
sem ad sacrum  
bellum invitet.

**A**D meritum tibi profecisse credimus, & ad gloriam proventurum, quod nobilem virum **W.** Comitem Forcalcarien. à pluribus (sicut accepimus) revocasti, quæ iniquè meditatus fuerat in corde suo, & disposuerat iniquiùs operari. Licet enim universis malitiis ejus resistere non potueris, aut mentem ejus peccatorum suorum mole depressam erigere ad virtutes, magnum tamen & tibi meritorium reputamus ab aliquibus revocasse hominem hætenus pestilentem, & in aliquo saltem pravum ejus propositum retardasse. Ne quid ergo tuo studio desit, immo ut ex bono principio finem inferas meliorem, nobilitati tuæ per apostolica scripta mandamus, & in remissionem injungimus peccatorum, quatenus Comitem memoratum moneas diligentius & inducas ut in manibus dilecti filij **R. Massilien. Præpositi Subdiaconi nostri**, quem ad hoc specialiter destinamus, super his pro quibus est excommunicatione notatus, plenam satisfactionem impendat, & absolutionis beneficium consecutus, dominicam crucem assumat, & ad vindicandam injuriam crucifixi ad partes se transferat transmarinas. Si enim ipsum Domino potueris tua commonitione lucrari, & ad viam reducere veritatis, in præsentem tibi cedet ad famam, & in futuro ad gloriam proficiet sempiternam.

**PISAN. ARCHIEPISCOPO,**  
*Episcopo Vrbinati, Camaldulen. & S. Fridiani Prioribus.*

Epist. 409.  
Quod collectam  
pecuniam non  
in suos usus, sed  
ad utilitatem  
publicam Pon-  
tificis converte-  
re velit.

**C**VM ad exhortandos fidelium populos ad obsequium Iesu Christi & tubveniendum orientali provincie, illius terræ necessitas & utilitas totius populi Christiani, immo etiã causa Christi solummodo nos inducant, non ex hoc propria lucra captantes, in quo potius de nostris proposuimus liberaliter elargiri, nec quæ nostra sunt, sed quæ Iesu Christi quærentes, non est ab aliquo præsumendum quod ea quæ à fratribus & coëpiscopis nostris, & tam Prælati quam subditis Ecclesiarum, in opus tam pium erogari mandavimus, propriis velimus usibus applicare, aut aliorum eleemosynas cupiditate qualibet terræ sanctæ subtrahere, cui potius de

nostris & fratrum nostrorum disposuimus subvenire. Vnde si quid forsitan in literis nostris, quas vobis direximus, continetur, per quod congregatam pecuniam ad nos mandaverimus destinari, id non ex intentione nostra, sed nimia occupatione processit, qui quanto intendimus pluribus, tanto minus sollicitè possumus de singulis cogitare: licet id non recolamus sic expressè mandasse, sed nostræ potius intentionis fuisse, ut summa collectæ pecuniæ nobis deberet per literas intimari. Ideoque discretionem vestræ per apostolica scripta mandamus quatenus cum secundum formam literarum, quas ultimò vobis direximus, pecunia fuerit in prædictæ terræ subsidium congregata, ex ea per diocesanos Episcopos, secundum discretionem eorum, & duorum fratrum, unius militiæ Templi, & alterius Hierosolymitani Hospitalis, quos ad hoc cum Episcopis per vos præcipimus deputari, militibus & aliis cruce signatis, si tamen egerint, non ad superfluitatem, sed necessitatem potius faciatis stipendia ministrari. Si quid verò residuum fuerit, id secundum dispositionem nostram & consilium aliquorum de fratribus memoratis, vel in stipendia militum, vel alias necessitates terræ Hierosolymitanæ, dante Domino convertetur. Datum Laterani XIII. Kal. Decembris.

**CONSTANCIÆ IMPERATRICI**  
*gloriose Regnæ Sicilia, ac carissimo filio Friderico illustri Regi Sicilia, eorumque heredibus in perpetuum.*

**S**VPER gentes & regna divina providentia constituti, ut evellamus noxia, & salubria cum Propheta plantemus, sic ad universas provincias nostræ considerationis aciem extendere volumus, & circa eas piæ sollicitudinis studium exercere, ut sopitis turbinibus tempestatum, quas parit mater diversitas, servent ad invicem mutuæ caritatis affectum, & in veræ pacis vinculo gubernentur. Porro specialiter & præcipuè specialem ac præcipuam sollicitudinem circa regnum Sicilia nos convenit adhibere, quod in apostolica sedis ferventiùs hætenus devotione permanit: ad quod etiam inclytæ recordationis **R.** quondam patris, **W.** fratris, & **W.** neporis tuorum Regum Sicilia, filia Imperatrix, grata memoria nos inducit, qui

Epist. 410.  
De Regum Sicilia  
erga Romanam Eccle-  
siam observantiam,  
deque Pontificis in illos  
voluntate.

H h

in apostolica sedis ac prædecessorum nostrorum dilectione firmius persistentes, ab ejus non potuerunt unitatis firmitate divelli, quin tanto fortius in ipsius obsequio permanerent, quanto adversus eam se amplius impetus extolleret tempestatis. Hac igitur consideratione diligenter inducti, ac credentes quod prædictorum Regum vestigia vestra regia serenitas in devotione ac obsequiis Ecclesiæ imitetur, vobis & heredibus vestris, qui sicut dictus Rex W. quondam frater tuus felicitis memoriæ Adriano Papæ prædecessori nostro exhibuit, nobis & successoribus nostris & Ecclesiæ Rom. fidelitatem & hominum exhibere ac quæ subscribuntur voluerint observare, concedimus regnum Siciliae, Ducatum Apuliae, & Principatum Capuae, cum omnibus pertinentiis suis, Neapolim, Salernum, & Amalfiam cum pertinentiis suis, Marfiam, & alia quæ ultra Marfiam habere debetis, & reliqua tenimenta quæ tenetis à prædecessoribus vestris hominibus sacrosanctæ Rom. Ecclesiæ jure detenta, & contra omnes homines adjuvabimus honorificè manutene-  
 Pro quibus omnibus coram venerabili fratre nostro Octaviano Episcopo Hostien. apost. sedis Legato, quem ad juramentum tuum, filia Imperatrix, recipiendum transmisimus, fidelitatem nobis nostrisque successoribus & Ecclesiæ Rom. jurasti, sicut continetur in duobus similibus capitularibus, quorum unum penes te sigillo nostro, alterum penes nos sigillo tuo aureo signatum habetur, firmiter repromittens quod quia præfens præfenti debet hominum exhibere, quandocumque nos aut successores nostri te in aliqua parte regni, quam securè possis adire, ad nostram præsentiam vocaverimus, reverenter accedes ligium hominum præstitura, nisi certum impedimentum aut necessitas evidens interveniat. quibus cessantibus, sine fraude venies ad ligium hominum faciendum. Cùm autem tu, fili Rex, favente Domino ad legitimam ætatem perveneris, nobis & successoribus nostris ac Ecclesiæ Rom. fidelitatem & ligium hominum exhiberetur, censum verò sexcentorum squifatorum de Apulia & Calabria, quadringentorum verò de Marsia, vel æquivalens in auro vel argento, vos ac heredes vestros statuistis Ecclesiæ Rom. annis singulis soluturos, nisi fortè

impedimentum aliquod interveniat. quo cessante, census ex integro persolvetur. Electiones autem secundum Deum per totum regnum canonicè fiant, de talibus quidem personis quibus vos ac heredes vestri requisitum à vobis præbere debeatis assensum. Ut autem hæc quæ supra diximus, tam nostro quàm successorum nostrorum tempore perpetuam obtineant firmitatem, & nec vestris nec heredum vestrorum temporibus alicujus valeant præsumptione turbari, nos ea de communi consilio & voluntate fratrum nostrorum auctoritate apost. confirmamus, & valitura in perpetuum præfenti pagina communimus, & tam à nobis quàm successoribus nostris perpetuis temporibus statuimus observanda. Nulli ergo &c. usque ad verbum indignationem incurrat, reamque se divino judicio de perpetrata iniquitate cognoscat &c. in modum privilegij. Cunctis autem omnia prædicta servantibus &c.

CONSTANCIÆ IMPERATRICI  
 Regine Siciliae, ac cariss. filio Illustri  
 Regi Siciliae.

**N**ec novum nec injustum existit, si regno Siciliae gratiam facimus specialem, quod inter universas & singulas regiones, in quibus nomen colitur Christianum, ferè semper promptius & devotius in Ecclesiæ Rom. devotione permansit, & ab eo specialius meruit honorari. Reges siquidem & Principes ejus in apo. sedis fidelitate fortius roborati, usque adeo ei fideliter & familiariter adhæserunt, ut ad ipsius exaltationem potenter intenderint, & ab ea nullius divelli potuerint impetu tempestatis, se in ipsa & per ipsam exaltari credentes, & in ea post Deum suæ spei ponentes & gaudij fundamentum. Specialiter autem inclytæ recordationis R. quondam pater, W. frater, & W. nepos tui, filia Imperatrix, Reges Siciliae familiari eam venerati sunt devotionis obsequio, & prædecessoribus nostris usque ad eo non minus in adversis quàm prosperis adhæserunt, ut cum fratribus nostris vobis eorum memoriam & constantiam sinceritatis, quam ad nos vos habere cognovimus, per effectum, quantum cum Deo & nostra possumus honestate, deferre velimus, & salva justitia & Ecclesiarum canonica libertate, petitionibus vestris assensum facilem exhibere. Ne igitur ulla

Epist. 41r.  
 De forma &  
 modo in electionibus Pontificum observanda.

fol. 41r.  
 De forma &  
 modo in electionibus Pontificum observanda.